

**(ciep banj 7)**

Raeuz aeu dawzmaenh aen cidu gaenbonj youq ndaw lingjyiz yisiz hingzdai yungh Majgwzsw h Cujiy daeuj cijdauj, dawzmaenh fugsae h yinzminz, fugsae h sevei cujiy, dawzmaenh bak va caez hai, bak gya caez lwnh, dawzmaenh doenggvaq dajcauh bae cienjvaq, cauhmoq bae fazcanj, aeu aen hwzsinh gyacizgvanh sevei cujiy daeuj dazyinx, fazcanj yiengh vwnzva senhein sevei cujiy, hwngcienz gij vwnzva gwzming, cienziep gij vwnzva conzdungj maenhndei Cunghvaz, hawj gij cingsaenz vwnzva yinzminz aeuyungh ngoenz beij ngoenz demlai haenx ndaej gaeuq yungh, gyamaenh aen giekdaj swhsienj caezcaemh daengx Dangj daengx guek gak cuz yinzminz caemh dungxsim buekguh, mboujduenh daezswng gij vwnzva saedlig' unq guekgya caeuq gij rengzyingyangj Cunghvaz vwnzva.

It dwg cau hlaeb yiengh yisiz hingzdai sevei cujiy miz rengzgiectomz caeuq rengzdazyinx hung' ak haenx. Gaemndaet aen gienz Dangj lingjdauj gij hong yisiz hingzdai, cienzmienh guh ndei aen cidu doekdingh faenh hong yisiz hingzdai, gyamaenh guh' ak aen swhsienj yizlun dazgoek buekhaeuj seizdaih moq. Laeb caezcienz gij gunghcoz diji yungh gij lij ljun cau hmoq aen Dangj daeuj cangndei daengx Dangj, son' gyauq yinzminz, dazyinx guh saeh. Dawz gij hongsaeh hung yenzgiu caeuq guhndei Majgwzsw h Cujiy lij ljun guh baenaj, gyavaiq cau hlaeb gij yozgoh diji, gij yozsuz diji, gij gangjvah diji yiengh cezyoz sevei gohyoz miz gij daegsaek Cungguek haenx, gungganq cau hlung aendoih vunzcaiz cezyoz sevei gohyoz. Lai roengzrengz cau hlaeb aen diji cenzeizdij cienzboq, dajcauh aen gapgyaq moq yiengh baklinx lingxdaeuz. Laebcaez aen diji gyoebhab ceihleix vangiloz, coihawj vangiloz cangqheiq hwngfat.

Ngeih dwg gvangqlangh hengzgguh aen hwzsinh gyacizgvanh sevei cujiy. Hwngcienz yiengh cingsaenz megloh vunz Cunghgoz Gungcanjdangj aeu gij cingsaenz laeb Dangj hungmbwk guh goek haenx, yungh ndei gij swhyenz hoengzaek, lai guh gaiq hong cienzboq son' gyauq aen hwzsinh gyacizgvanh sevei cujiy, lai son' gyauq aigoz cujiy, cizdij cujiy, sevei cujiy, roengzrengz gungganq gij vunz moq ndaej dawz diuz rapnaek minzcuз fukhwng hab seizdaih aeuyungh. Coihawj gij hong son' gyauq lijsienj saenqniemh bienqbaenz cidu ciengzseiz bae guh, laebdaeb ca ndei gij hong cienzboq son' gyauq lizsij aen Dangj, lizsij Cungguek moq, lizsij gaijgwz hailangh, lizsij hwngfat sevei cujiy, dazyinx yinzminz rox lizsij gyaез aen Dangj, rox lizsij gyaез guekcoj, mboujduenh dinghmaenh gij lijsienj caezcaemh sevei cujiy miz gij daegsaek Cungguek.

Sam dwg hawj daengx biengz vwnzmingz caiq hwnj mbaek sang. Bae guh hangh hong hung daudwz ganq vunz, hwngcienz gij conzdungj meijdwz Cunghvaz, gyarengz guh ndei gyadingz gya' gyauq gyafung, gyaak caeuq gaijndei bouxcaengzhung swhsienj daudwz gensez, doihawj cunqgvunz hwngcienz daudwz hung, souj daudwz caezcaemh, yungh daudwz haed yiemz bonjfaenh, hawj yinzminz engq

rox dauhlaex caeuq engq gangj vwnzmingz. Doengbuenz bae guh ndei gij saeh gungganq vwnzmingz, saedguh vwnzmingz, cau hlaeb vwnzmingz, coihawj hawsingz lajmbanj cing-saenz vwnzmingz gensez ndaej yungzhab guh baenaj, youq daengx biengz hwngcienz gij cingsaenz guhhong, gij cingsaenz buekguh, gij cingsaenz gunghawj, gij cingsaenz dajcauh, gij cingsaenz gaenxgiemh mbaetyungh, gungganq yienghndei yienghmoq ciuhneix.

Seiq dwg guhhoengh guhhwng aen saehnieb vwnzva caeuq aen canjnieb vwnzva. Dawzmaenh cungj yinxyiengq dajcauh cozbij aeu yinzminz guh goek, cau h ok gij cozbij maenhndei hawj yinzminz miz rengz cingsaenz engq lai haenx, rungx ok buek canghcaiz vwnzyoz yisuz sawmaeg lai youh rox laexhung ndeu caeuq aendoih vunzcaiz vwnzva vwnzyi lailai daihdaih haenx. Laebcaez aen diji yiengh fugsae h vwnzva vunzlai caezcaemh, cau hmoq saedhengz gij hong hung vwnzva ndeileih beksingq. Laebcaez aen diji canjnieb caeuq aen diji hawciengz nangq daengz vwnzva ciuhneix, hengzgguh aen canloз aeu vwnzva canjnieb hanghmoeg hungnaek bae daiqdoengh. Gya rengz baujhoh vwnzvuz caeuq vwnzva yizcanj, youq mwh hwnqguh hawsingz lajmbanj bae baujhoh ciepswnj lizsij vwnzva, hwnq ndei yungh ndei gij vwnzva gunghyenz guekgya. Gyarengz bae guh gij hong diyzuz bouxcos nyezrau h, coihawj cungj diyzuz vunzlai guh caeuq cungj diyzuz doxdax doxcaez fatmaj, gyavaiq hwnqguh aen guekak diyzuz.

Haj dwg hawj Cunghvaz vwnzmingz cienzboq engq gyaе yingjyangj engq hung. Dawzmaenh aen sim nyinh Cunghvaz vwnzva, dizlien h baij ok gij maieiq cingsaenz caeuq gij ukngviz vwnzva Cunghvaz vwnzmingz, gyavaiq cau hlaeb aen diji gangjvah Cungguek caeuq lwnhsaeh Cungguek, gangj ndei gojgaeq Cungguek, cienzboq ndei singyaem Cungguek, baij ok gij yienghsiengq simsoh, dwggyaез, habgingq Cungguek. Gyarengz guh ak gij rengzlig cienzboq bae rogguek, hawj cienzboq bae rogguek guh ndaej engq riuz, coengh guek raeuz baengh gij cunghab gueklig caeuq diegvih guekgya youq gwnz seiqgyaiq ndaej gangj lai gangj gok. Hawj vwnzmingz gyaulouz doxhag yied guh yied lai, coihawj Cunghvaz vwnzva engq ndei byaij coh seiqgyaiq.

Siz Ginbingz daezok, demlai fukfaenh hawj yinzminz, hawj saedceij yinzminz gvaq ndaej engq ndei

Siz Ginbingz youq ndaw aen baugau Ngeihcib Daih daezok, demlai fukfaenh hawj yinzminz, hawj saedceij yinzminz gvaq ndaej engq ndei.

Siz Ginbingz naeuz, guekgya couh dwg yinzminz, yinzminz couh dwg guekgya. Cunghgoz Gungcanjdangj daiqlinx yinzminz dwk biengzdeih, souj biengzdeih, dwg souj aen sim yinzminz. Guenj guekgya miz lohsoq, leih yinzminz dwg goekgaen. Vih yinzminz caux fuk dwg gij bonjcaet iugouz laeb Dangj vih vunzlai, gaemgienz vih lwgminz. Itdingh aeu dawzmaenh youq mwh hwngfat baujcanq caeuq gaijndei gwndaen j yinzminz, gujli doxcaez

haenqrengz dajcauh gij gwndaen j gyaеundei, mboujduenh guhbaenz gij siengjmuengh yinzminz gvaq saedceij gyaеundei.

Raeuz aeu saedyienh ndei, hen hoh ndei, fazcanj ndei gij gaenbonj leih' ik gyoengq yinzminz ceiq lai, gaemndaet doengh gij vwndiz nanangq gij leih' ik yinzminz ginzcong ceiq gvansim ceiq cigciep ceiq yienhsaед haenx, seizseiz aeu caen hrengz bae guh, aenq rengz bae guh, haeuj gyang ginzcong bae, roengz daengz caengzgiek bae, yungh engq lai banhfap ndaej leih yinzminz, raeuj simvunz haenx, roengzrengz bang yinzminz ginzcong gaijgez ndei gij saeh gaenjigip, hojnanz, youheiq, deqmuengh haenx, laebcaez aen diji yiengh fugsae h vunzlai caezcaemh ceiqnoix, engq ndei bae fugsae h vunzlai, hawj de engqgya bingzyaenx caeuq engq heih guhdaengz, maenhsaед doihaeuj yamqdin doengzcaeз fouqmiz.

It dwg laebndei aen cidu faenboiq. Dawzmaenh ciuq hong faenboiq guh goek, lai yiengh faenboiq fuengsik caemhmiz, cau hlaeb gij cidu diji baez faenboiq daih' it, baez faenboiq daihngaih, baez faenboiq daihsam doxdaengh boiqdauq haenx. Roengzrengz hawj aen cingzsoq gihminz souhaeuj youq ndaw gozminz souhaeuj faenboiq bienq sang, hawj aen cingzsoq guhhong aeundaеj youq ndaw baez faenboiq daih' it bienq sang. Dawzmaenh guh lai ndaej lai, gujli gaenxguh ndaej fouq, coicaenh gihvei goengbingz, demlai gij souhaeuj doengh boux souhaeuj noix, gyalai gyoengq vunz souhaeuj gaepgyang. Gveihfan gij bouhloh faenboiq souhaeuj, gveihfan aen gihei cwkrom cienzcaiz, baujhoh gij souhaeuj habfap, diuzceз gij souhaeuj sang gvaqbouh, gimqcawz gij souhaeuj mbouj habfap.

Ngeih dwg saedhengz aen canloз couhnieb baiz youq gonq. Aeu lai dawznaek gij cwngcwз couhnieb guh youq gonq, laebcaez aen gihei coicaenh couhnieb, hawj couhnieb guh ndei guh maenh. Laebcaez aen diji yiengh fugsae h vunzlai couhnieb, caezcienz aen diji haeujcoengh gyoengqvunz cundenj rahong, lai bangcoengh gyoengqvunz gungzhoj rahong baujdaej. Doengbuenz nda ndei aen cwngcwз diji couhnieb hawsingz lajmbanj, buqcawz gij diji caeuq cwngcwз mbouj gaeuq ndei gazngaih bouxguhhong, vunzcaiz riuzdoengh haenx, siucawz gij hanhhaed mbouj hableix caeuq gij couhnieb yawjsiuj gazngaih bingzdaengj couhnieb haenx, hawj bouxboux cungj ndaej doenggvaq gaenx guhhong hawj bonjfaenh yied gvaq yied ndei. Laebcienz aen cidu baenzciuh sonrox gij dinfwngz ciknieb, doinyoengx gaijgez yiengh doxdawz couhnieb ok laeng gezgou. Caezcienz gij cidu baujcanq hawj cau hnieb ragdoengh couhnieb, bangcoengh haeujsoh bae gyalai yiengh hong moq couhnieb. Laebcienz gij faplwd fapgyi guhhong, caezcienz gij gihei caezyaeng diuzndei gij gvanhaeh guhhong, caezcienz aen cidu baujcanq gij gienzik bouxhong, gyarengz baujcanq gij gienzik bouxhong yawj giz genj hong couhnieb caeuq youq ndaw yiengh hong moq couhnieb.

(cienj banj 9)